

嘉慶癸亥元和馮給諫培纂西湖岳廟志畧玉繩既讀
其書因念忠武王集傳布絕少前明嘉靖間歸安茅元
儀嘗刊之旋被燬我朝乾隆己丑彰德知府同安黃
邦寧據茅氏殘帙彙綴鐫於湯陰今行世者惟茲而已
乃取黃本與金陀粹續兩編程史附錄參校譌異類分
八卷重付剞梓夫王之撰著散失多矣當宋嘉泰時王
之子孫竭數十年蒐訪之力未覩其全矧閱六百餘載
烏從摭其佚而補其遺耶史稱王北伐至朱仙鎮奉詔
班師王自爲表答詔忠義之言流出肺腑有諸葛孔明

岳忠武王集

序

之風是元之史臣曾兄此表也而王孫鄴侯珂經進家
集僅詳七十八字其故何歟明錢士升南宋書謂謝講
和赦表乃張節夫筆案家集序云先臣出師奏謝赦表
天下傳誦天定別錄序云謝赦之表斯文炳如則爲王
自作無疑王有密奏皆親書軍旅之暇每習寫小楷雖
侍膝之子弟入幕之賓僚且不與知况宦倩人搦管而
王之文不加藻飾忠義奮發之忱亦非門客所能代其
披瀝矣哀輯旣竣粗述顛末板歸廟塾以應求者嘉慶
十二年上半年一日里人梁玉繩謹識

卷一 奏議二十一篇

卷二 奏議二十六篇

卷三 奏議二十六篇

卷四 奏議三十三篇

卷五 奏議十七篇

卷六 公牘二十九通

卷七 公牘十一通

卷八 跋一 對一 檄一 題記五 詩十五

詞一 言兩四十則 遺翰 附

岳忠武王集 目

岳忠武王集

年譜



梁學昌敬摹

年譜

本貫相州湯陰縣永和鄉孝悌里

會祖成贈太師魏國公 妣楊氏贈慶國夫人

祖立贈太師唐國公 妣許氏贈越國夫人

父和贈太師隋國公 妣姚氏封魏國太夫人贈周

國太夫人

配李氏封秦國夫人晉封楚國夫人

宋徽宗崇寧二年癸未一歲 二月十五日王生有大

禽飛鳴寢室之上隋國公異之因命名飛字曰

鵬舉

政和八年戊戌十六歲

娶夫人李氏

錢士升南宋書本傳謂王

母留於北百計購迎之南故妻流隨淮卒韓世忠上聞欲令迎取王奏言臣渡河日送錢贍其善事不意棄姑更嫁臣切骨恨之別送贍其貧不欲迎也此語誕肆無徵不可不辨案行實編年云夫人名姓字孝娥奉姑有禮度能籌理

軍事王出軍必至諸將家無其妻子以恩結之得其歡心王母歸自河北有痾疾遇出師王必嚴飭家人謹侍養微有不至詈罰自妻始建炎

四年王辭通泰之命願以母妻并二子為質乞淮南東路一重難任使王見夫人御繒帛則曰吾聞后宮嬪妃在北方尚多窶乏汝既與吾南

憂樂不宜衣此命易以布素是夫人奉姑來南與王相得無向審矣天定別錄載孝宗復楚國夫人告敕曰柔潔以為質儉勤而自修處安榮

岳忠武王集

年譜

二

不聞驕妒之惡居患難不改幽閒之操闔門遠徙閱歲屢遷眷念前朝既下生還之命志伸今且再加甄敘以何憂門戶再興尚識沐子孫並仕顧惟晚歲以何憂門戶再興尚識沐子孫並自是夫人閨德懋著嶺海言旋身享復封之榮也王無姬媵五子二女皆夫人所有從宋迄今配王廟食靈貌凜然士升乃敢誣之耶

宣和元年己亥十七歲

子雲生

王十七歲生雲岳氏舊藏世系圖甚

明宋史本傳既書王五子雲雷霖震霆而雲傳忽稱為養子編考當日御敕省劄及王奏牘皆無此說蓋養乃長字之譌五子中獨王長子雲有傳以其累立奇功後同被禍也雲字會卿

四年壬寅二十歲

應真定宣撫募為十隊長

擒相州劇賊陶俊賈進

丁隋國公憂還湯陰

六年甲辰二十二歲 保魏忠獻王韓琦家墅
從平定軍

欽宗靖康元年丙午二十四歲 六月補進義副尉

冬見康王於相州 降羣賊吉倩等補承信郎

敗金軍於侍御林轉成忠郎以曾祖諱寄理

保義郎 敗金軍於滑南遷秉義郎 隸畱守

宗澤

二年丁未二十五歲 正月以戰開德功轉修武

郎 二月以戰曹州功轉武翼郎

岳忠武王集 年譜

三

高宗建炎元年

丁未五月即位改元

五月上書數千言忤黃潛

善汪伯彥以越職奪官歸田里 八月詣河北

招撫使張所借補修武郎閤門祇候充中軍統

領 借武經郎從王彥渡河獨進兵至太行山

復歸宗澤爲畱守司統制 澤卒隸杜充

二年戊申二十六歲 正月與金人戰胙城又戰

於黑龍潭皆大捷 七月從閤勅護陵寢 八

月破金人於汜水關又破之竹蘆渡轉武功郎

三年己酉二十七歲 正月賊王善曹成張用董

彥政孔彥舟等率眾薄南薰門大敗之轉武經大夫擒賊杜叔五孫海於東明轉武略大夫借補英州刺史二月敗王善於清河擒其將轉武德大夫授眞刺史六月從杜充還建康十一月駐軍廣德擊元朮六戰皆捷

四年庚戌二十八歲正月屯宜興五月復建康六月平叛將戚方七月遷武功大夫昌州防禦使通泰州鎮撫使兼知泰州

紹興元年辛亥二十九歲二月討李成三月江淮岳忠武王集

年譜

四

平七月加裨武副軍統制畱洪州十月授親衛大夫建州觀察使十二月升裨武副軍都統制

二年壬子三十歲二月以本職權知潭州兼荆湖東路安撫都總管討曹成五月嶺表平

六月授中衛大夫武安軍承宣使依前裨武副軍都統制屯江州

三年癸丑三十一歲五月平虔吉諸郡盜賊九月入覲詔落階官授鎮南軍承宣使江南西

路舒蘄州制置使依前神武副軍都統制改差
神武後軍統制

四年甲寅三十二歲 三月除兼荆南鄂岳州制

置使請復襄陽六郡 五月除黃復州漢陽軍

德安府制置使 七月襄漢平 移屯鄂州行

營田 除清遠軍節度使湖北路荆襄潭州制

置使仍神武後軍統制特封武昌縣開國子食

邑五百戶食實封二百戶 十二月解廬州圍

五年乙卯三十三歲 二月入覲封母姚魏國太

岳忠武王集年譜

五

夫人授鎮寧崇信軍節度使依前神武後軍統

制充湖北路荆襄潭州制置使進封武昌郡開

國侯又除荆湖南北襄陽府路制置使神武後

軍都統制加食邑 六月平湖賊楊么 兼蘄

黃制置使 九月加檢校少保加食邑進封鄂

國公 還軍鄂州 十二月除荆湖南北襄陽

路招討使

六年丙辰三十四歲 二月兼營田使 入覲

移屯襄陽以圖中原 三月易武勝定國兩鎮

之節除宣撫副使置司襄陽加食邑 三月二十六日丁魏國太夫人憂與子雲跣足扶襯至廬山營葬連表乞終喪不許累詔趣起就軍

七月起復命宣撫河東節制河北路 八月復

西京州縣

七年丁巳三十五歲 正月入覲 二月拜太尉

加食邑繼除宣撫使兼營田大使 三月扈從

幸建康 又命節制光州 夏與張浚議事不

合卽日上章乞解兵柄終喪服步歸廬山廬母

岳忠武王集 年譜

六

墓側 詔促還軍 秋以舟師駐江州

八年戊午三十六歲 二月還鄂州 八月召赴

行在 命見皇太子

九年己未三十七歲 十一月以和議成授開府

儀同三司加食邑力辭溫詔獎激不得已乃拜

十年庚申三十八歲 五月金人敗盟詔許從便

措置 六月授少保兼河南府路陝西河東河

北路招討使 七月收復河南郡縣分遣將佐

并復西京河北諸州進軍朱仙鎮 葺治陵寢

奉十二金字牌班師 請解兵柄致仕不許
自廬入覲

十一年辛酉三十九歲 三月援淮西 四月召

至行在授樞密副使加食邑位參知政事上

八月上章請罷樞柄還兩鎮節 詔充萬壽觀

使奉朝請 十月爲秦檜張俊誣諂逮大理獄

十二月二十九日遇害薨

紹興三十二年七月孝宗初卽位追復元官以

禮改葬子雲同復官以禮祔葬乾道六年立廟

岳忠武王集

年譜

七

鄂州賜額忠烈繼贈少傅淳熙五年太常擬諡

忠愍奉旨別擬改諡武穆寧宗嘉泰

史傳作
嘉定

四

年加贈太師追封鄂王理宗寶慶元年復議改

諡先擬忠穆上意未愜曰穆不如武當以諸葛

亮郭子儀二諡之美者以旌異之於是定諡忠

武景定二年又改忠文元順帝至正九年加保

義二字明神宗萬歷四十三年敕封三界靖魔

大帝保劫昌運岳武王

梁玉繩敘錄

岳忠武王集卷一

奏議

南京上皇帝書略

建炎元年



陛下已登大寶黎元有歸社稷有主已足以伐虜人之謀而勤王御營之師日集兵勢漸盛彼方謂吾素弱未必能敵正宜乘其怠而擊之而李綱黃潛善汪伯彥輩不能承陛下之意恢復故疆迎還二聖奉車駕日益南又令長安維陽襄陽淮備巡幸有苟安之漸無遠大之略恐不足以繫中原之望雖使將帥之臣戮力於外終岳忠武王集卷一

亡成功為今之計莫若請車駕還京罷三州巡幸之詔乘二聖蒙塵未久虜穴未固之際親帥六軍迺遷北渡則天威所臨將帥一心士卒作氣中原之地指期可復

書凡數千言而僅傳一百八十九字家集序謂王親書密封焚其藁故羸得其槩爾

乞益兵守淮奏略

建炎四年

武德大夫英州刺史臣岳飛劄子奏建康為國家形勢要害之地宜選兵固守比張俊欲使臣守鄱陽備虜人之擾江東西者臣以為賊若渡江必先二浙江東西地僻亦恐重兵斷其歸路非所向也臣乞益兵守淮拱護

腹心

乞催湖州賜米奏

建炎四年

武功大夫昌州防禦使通泰州鎮撫使兼知泰州臣岳飛狀奏近奉聖旨於湖州封樁米內支撥五千碩應副本軍起發臣與士卒同被如天之賜昨所差般運人回據本州知州趙子璘却稱本州未曾承准朝廷指揮不肯應副卽目新任所在各有金人占據切慮有失事機伏望聖慈行下本州依已降指揮發發庶幾卽得前邁以修疆場之職謹錄奏聞伏候敕旨

岳忠武王集

卷一

二

招曹成不服乞進兵劄子

紹興二年

親衛大夫建州觀察使神武副軍都統制權知潭州兼權荆湖東路安撫都總管臣岳飛劄子奏臣竊惟內寇不除何以攘外近郊多壘何以服遠比年羣盜競作朝廷務廣德意多命招安故盜亦玩威不畏力強則肆暴力屈則就招苟不略加勦除蠡起之衆未可遽殄臣昨者被奉曹成之命深以爲陛下好生之意如此爲臣子者患不能推廣而行之故先宣布上恩以期改行闕日雖久扞格是聞臣嘗累遣探報知其賊馬已離道州進

趨廣西此寇所爲未肯遽屈意欲侵犯二廣肆毒生靈俟其力盡勢殫然後徐爲服降之計臣今進發自郴州桂陽監以往卽行措置用兵掩殺務速除蕩以綏彼民取進止

措置曹成事宜奏

紹興二年

親衛大夫建州觀察使神武副軍都統制權知潭州兼權荆湖東路安撫都總管臣岳飛狀奏四月初二日准江南西路安撫大使司牒三月二十三日准樞密院三月四日劄子奉聖旨令岳飛到袁州更切斟量賊勢如

岳忠武王集

卷一

三

賊兵衆且於袁州駐劄俟宣撫司人馬到同共進兵如曹成已受招安起發赴行在卽與馬友會合同共勦殺劉忠訖續往潭州飛素有謀略毋致稍失機會却致賊兵破壞二廣臣檢會紹興二年二月八日樞密院劄子節文曹成賊馬占據道賀州作過三省樞密院同奉聖旨令宣撫司催督高舉星夜前去應援二廣及令荆湖東路安撫使岳飛統率副總管馬友并本路李宏吳錫韓京諸頭項軍馬火急前去襲逐掩擊其馬友等並聽帥臣岳飛節制各務體國共力破賊仍仰廣東西路帥

臣起發逐路洞丁刀弩手將兵土軍弓手民兵疾速躬親統率前去逐路界首與岳飛會合併力夾擊務要一舉萬全臣已卽時關報會合馬友吳錫韓京等軍馬及牒廣東西路安撫使統率本路洞丁刀弩手等各前來界首會合照應夾擊勦殺外臣一行軍馬已到衡州茶陵縣不住承准郴州桂陽監等處關報及臣亦差人體探得曹成發人馬取三月十九日起發往全永州侵犯廣西界分并前軍人馬往賀州路前去其曹成中軍見在道州未有的實起發月日不住放人四向擄掠殺人

岳忠武王集

卷一

四

放火似此顯見曹成未肯便赴行在意欲侵犯二廣作過今准前項江南西路安撫大使李回公牒備奉前項聖旨指揮一行官兵已過袁州地里稍遠兼續於四月初三日准荆湖東路提刑司關報曹成賊馬已起發離道州前去廣西除已差人體探子細外今已進發往郴州桂陽監以來駐泊如曹成不赴行在及入廣西臣便行措置進兵掩殺若曹成已入廣界不審合臣一行軍馬如何施行伏望聖慈特降睿旨付臣貴憑遵依施行謹錄奏聞伏候敕旨

貼黃 照對臣所統本軍官兵一萬二千餘人除
存留二千人吉州看管老小并隨軍輜重
火頭占破外實出戰只有七千餘人吳全
二千人除輜重火頭外實出戰一千五百
人韓京三千人除畱看寨輜重火頭外堪
出戰只有一千餘人吳錫約二千餘人堪
出戰有一千人張中彥人馬見在廣東未
到今來共計見有實出戰官兵一萬餘人
所有曹成賊寇僅十萬衆臣已竭力措置
外伏望聖慈速令並進後援庶使臣無反
顧之憂得以有濟伏乞睿照

措置虔賊奏 紹興三年

中衛大夫武安軍承宣使神武副軍都統制臣岳飛狀
奏恭奉聖旨措置虔吉州界等處盜賊臣近准江西安
撫大使司等處公文契勘到虔吉州界見今作過賊首
共三百一火臣已差人前去說諭禍福詣寨安撫如有
不從招諭頭項卽別行措置外伏乞睿照謹錄奏聞伏
候敕旨

奏審虔州賊首奏

紹興三年

中衛大夫武安軍承宣使神武副軍都統制臣岳飛狀
奏恭奉聖旨措置虔賊今已節次生擒殺到虔州諸縣
界山寨賊首羅誠等二百餘人見拘管在寨未審令臣
一面處置惟復申解朝廷伏望聖慈速賜指揮以憑遵
稟施行謹錄奏聞伏候敕旨

措置李橫等軍奏

紹興三年

鎮南軍承宣使神武後軍統制江南西路舒蘄州制置
使臣岳飛狀奏契勘襄陽府李橫郢州刺史翟琮鎮撫

岳忠武王集

卷一

六

董先隨州李道牛臯等逐頭項軍馬例各失守將帶到
百姓隨行見無所歸臣雖非所職緣事干國計不敢隱
默伏望聖慈特降睿旨令李橫刺史翟琮鎮撫董先人
馬於漢陽軍屯駐李道牛臯人馬於黃州或依舊蘄州
屯駐且令安集仍乞令李橫等將百姓放令遂便庶免
轉淪溝壑之患候屯駐定却聽朝廷指揮施行謹錄奏
聞伏候敕旨

節制李道牛臯軍奏

紹興四年

鎮南軍承宣使神武後軍統制江南西路舒蘄州制置

使臣岳飛狀奏契勘李道牛阜人馬累得申狀乞聽臣
節制臣以未准朝旨不敢拘收見且令前來江州權行
駐劄外伏望特降睿旨令係屬一處節制庶幾軍律有
歸如蒙付臣拘收使喚亦乞行下恭依施行謹錄奏聞
伏候敕旨

乞復襄陽劄子

紹興四年

鎮南軍承宣使神武後軍統制江南西路舒蘄州制置
使臣岳飛劄子奏臣竊惟善觀敵者當逆知其所始善
制敵者當先去其所恃今外有北虜之寇攘內有楊么

岳忠武王集

卷一

七

之竊發俱爲大患上軫宸襟然以臣觀之楊么雖近爲
腹心之憂其實外假李成以爲唇齒之援今日之計正
當進兵襄陽先取六郡李成不就繫縛則亦喪師遠逃
於是加兵湖湘以殄羣盜要不爲難而况襄陽六郡地
爲險要恢復中原此爲基本臣今已厲兵飭士惟埃報
可指期北向伏乞睿斷速賜施行庶幾上流早見平定
中興之功次第而致不勝天下之幸取進止

畫守襄陽等郡營田劄子

紹興四年

鎮南軍承宣使神武後軍統制江南西路舒蘄州兼荆

南鄂岳黃復州漢陽軍德安府制置使臣岳飛劄子奏
臣六月二十三日酉時准御前金字牌伏蒙聖慈特降
親札處分令臣條具襄陽隨郢利害臣竊觀金賊劉豫
皆有可取之理金賊累年之間貪婪橫逆無所不至今
所愛惟金帛子女志已驕墮劉豫僭臣賊子雖以儉約
結民而人心終不忘宋德攻討之謀正不宜緩苟歲月
遷延使得修治城壁添兵聚糧而後取之必倍費力陛
下淵謀遠略非臣所知以臣自料如及此時以精兵二
十萬直擣中原恢復故疆民心効順誠易爲力此則國
家長久之策也在陛下睿斷耳若姑以目前論之襄陽
隨郢地皆膏腴民力不支苟行營田之法其利爲厚然
卽今將已七月未能耕墾來年入春卽可措畫陛下欲
駐大兵於鄂州則襄陽隨郢量畱軍馬又於安復漢陽
亦量駐兵兵勢相援漕運相繼荆門荆南聲援亦已相
接江淮荆湖皆可奠安六州之屯且以正兵六萬爲固
守之計就撥江西南湖糧斛朝廷支降券錢爲一年支
遣候營田就緒軍儲旣成則朝廷無餽餉之憂進攻退
守皆兼利也惟是葺治之初未免艱難必仰朝廷徵有

以資之基本既立後之利源無有窮已又此地夏秋則江水漲隔外可以禦寇內足以運糧至冬後春初江水淺澀吾資糧已備可以坐待矣於今所先在乎速備糧食斟量屯守之兵可善其後臣識闇不學輒具管見仰報聖問辭拙事直伏乞聖慈裁決于冒天威臣不勝屏營戰慄之至取進止

臣見今只候糧食稍足即便過江北雖番偽賊馬勢重臣定竭力勦戮不敢少負陛下伏乞特寬宵旰之念不勝幸甚

岳忠武王集

卷一

九

條具荆襄相度移治及差官奏

紹興四年

鎮南軍承宣使神武後軍統制江南西路舒蘄州兼荆南鄂岳黃復州漢陽軍德安府制置使臣岳飛狀奏臣於六月二十八日准御前金字牌遞到樞密院六月十六日劄子備奉聖旨令臣條具收復襄陽隨郢三郡防守相度移治山寨等事今條具畫一開具下項

一臣收復到襄陽隨郢三州卽時逐急權行差官葺治州事實以此三州止有空城公吏軍民自緣久罹兵火或被驅虜或遭殺戮甚爲荒殘全藉有心

力官撫綏葺治招誘人戶所有襄陽府已差武功大夫本軍幹辦官張旦借左武大夫權唐鄧郢州襄陽府安撫使兼知襄陽軍府事親衛大夫安州觀察使牛臯權唐鄧郢州襄陽府安撫副使武義大夫榮州團練使李道充唐鄧郢州襄陽府四州都統制承信郎本軍準備差遣孫革借右承務郎權簽書襄陽府判官廳公事訖今來葺治漸成次第

一郢州已差承節郎本軍準備差遣周識借右承奉

岳忠武王集

卷一

十

郎權知郢州右迪功郎本軍準備差遣李旦借承奉郎權本州通判訖

一隨州已差右將仕郎李章準備差遣孫翬借承奉

郎權知隨州下州文學蔣庭俊借右修職郎權本州節度推官訖近訪聞逐州官葺治漸成次第

一臣所奏差官等事理更合取自指揮如蒙俞允乞降差劄施行

一臣蒙朝廷支撥糧三十三萬碩水脚錢一十七萬貫委沈昭遠等催督應副今來臣自至襄陽已及

月餘止有糧五千七百餘碩至軍前伏望特降睿

旨施行

右畫一開具在前謹錄奏聞伏候敕旨

收復唐鄧信陽防守措置事宜奏

紹興四年

鎮南軍承宣使神武後軍統制江南西路舒蘄州兼荆南鄂岳黃復州漢陽軍德安府制置使臣岳飛狀奏臣近措置遣發軍馬掩殺番偽賊衆收復鄧州了當外有唐州信陽軍臣已調發軍馬前去收復及繼差官前去葺治所有唐鄧州信陽軍累經殘毀城壁損壞久不修

岳忠武王集

卷一

十一

治切慮日後難以保守臣已相度如逐州軍不堪防守卽令移治穩便山寨如有賊馬侵犯卽更切相度前來襄陽府保聚臣已差撥二千人付安撫使張且在襄陽府屯駐及令襄陽安撫司量行分遣軍馬前去唐鄧等州以爲斥堠招集官吏軍民并差一百五十人往鄧州二百人往隨州駐劄臣只候先所陳乞軍馬到來卽更行量添撥付逐州府防守措置捍禦外臣緣所統軍馬道路日久委是疲勞除已統率起發前去德安府歇泊聽候朝廷指揮候敕旨

貼黃 臣先條具荆襄等利害所乞軍馬等事伏
乞速降指揮施行

乞赴行在奏稟邊防奏

紹興四年

鎮南軍承宣使神武後軍統制江南西路舒蘄州兼荆
南鄂岳黃復州漢陽軍德安府制置使臣岳飛狀奏准
樞密院劄子令臣依已降指揮前去鄂州歇泊聽候朝
廷指揮臣除已恭依外所有臣先條具陳乞事理未奉
指揮施行契勘臣先奉聖訓收復襄陽府等處六州軍
除已措置收復隨郢襄陽唐鄧了當只有信陽軍已調
岳忠武王集

卷一

十一

發軍馬前去收復尅日可下臣今有邊防子細利害欲
量帶人從赴行朝奏稟伏望聖慈特降睿旨依臣所乞
施行謹錄奏聞伏候敕旨

乞先推劉光世軍犄角賞奏

紹興四年

鎮南軍承宣使神武後軍統制江南西路舒蘄州兼荆
南鄂岳黃復州漢陽軍德安府制置使臣岳飛狀奏臣
先奉聖訓收復襄陽府等處六郡總率軍馬節次見陣
掩殺番僞賊馬收復州軍了當續蒙朝廷令劉光世遣
差軍馬五千人以爲牽制臣於七月二十三日收復信

陽軍六郡了畢光世遣鄴瓊軍馬於二十六日到襄陽府臣軍前雖其至不及期然臣之軍士知有後援所以能成薄効卒使不需寸賞恐拂人情伏望聖慈將劉光世所差官兵特降睿旨先次推賞謹錄奏聞伏候敕旨

收復唐鄧信陽差官奏

紹興四年

鎮南軍承宣使神武後軍統制江南西路舒蘄州兼荆南鄂岳黃復州漢陽軍德安府制置使臣岳飛狀奏契勘近恭奉聖訓收復隨郢等州軍了當先差過知通等葺治事務除已開具隨郢州襄陽府知通職次姓名奏岳忠武王集

卷一

十三

聞外今契勘唐鄧州信陽軍知通簽判職次姓名下項其餘官臣行下逐處安撫司取會別具奏聞次今開具下項

一唐州二員修武郎權知州事高青借通直郎權通

判單藻

一鄧州三員武翼郎閻門宣贊舍人權知州事張應

右承直郎借宣敎郎權通判黨尚友忠訓郎借秉

義郎權簽判邵傑

一信陽軍二員承節郎借成忠郎閻門祇候權知軍

事舒繼明承信郎權簽判訾詣

右畫一開具在前謹錄奏聞伏候敕旨

措置楊么水寇事宜奏

紹興四年

鎮南軍承宣使神武後軍統制江南西路舒蘄州兼荆南鄂岳黃復州漢陽軍德安府制置使臣岳飛狀奏九月初二日御前金字牌遞到樞密院劄子樞密院奏勘會湖賊黃誠楊太等憑恃水險作過日久先因張浚奏請乞行招安特與放罪許令出首遷延累月妄有要索殺害投下文字使臣潛遣賊徒侵犯沿湖州縣終無悛

岳忠武王集

卷一

十四

心理難容貸王瓊出師踰年不能成功與潭鼎帥守每事紛爭不務協心戮力致一方受弊久未平定今已改差岳飛充湖北路荆襄潭州制置使右三省樞密院同奉聖旨專委岳飛措置討捕令程昌禹自上流進兵如本州軍馬數少於湖南帥司差撥馬準步諒兩項官兵赴鼎州聽昌禹節制使喚事畢遣還荆南鎮撫司并湖南帥司各發兵船約期進討下流合用軍兵及會合諸頭項兵馬舟船并委飛措置施行所有岳飛本軍合用錢糧如所部州軍應副不足依舊朝廷給降及江西路

支撥應副劄送臣疾速施行臣伏蒙新除恩命已具奏
辭免所有措置討捕黃誠楊太等賊徒事切緣臣所管
軍馬並係西北之人不習水戰今蒙聖旨驅使不敢辭
免謹已遵奉指揮外臣契勘湖賊黃誠楊太等占據重
湖猖獗累年戰艦舟船數目浩瀚又賊衆多憑恃水險
出沒作過今來若以湖南帥司馬準步諒兩項軍馬聽
知鼎州程昌禹節制以荆南鎮撫司并湖南帥司各發
兵船約期進討切慮如此事不專一臨時難以措畫有
悞指蹤臣愚欲望聖慈特降睿旨令湖南帥司除畱三

岳忠武王集

卷一

五

千人在潭州彈壓外并荆南鎮撫司都共有二千人乞
命臣量畱一千人在鎮撫司外將其餘軍馬舟船盡數
並撥付臣相度分布使喚兼馬準步諒亦乞令付臣使
喚如鼎州緩急合要軍馬使用乞令臣相度分遣庶幾
軍馬歸一斟量調發免致悞事兼契勘王瓊已降指揮
江州駐劄今來討捕湖賊正賴舟船使用欲乞將王瓊
隨軍舟船除海船及有餘船外只乞戰船并海湖船權
暫盡數借撥付本軍候事畢日歸還臣訪聞湖南州郡
係出產材木去處欲乞行下本路一就并釘綫工匠應

副添修本軍舟船其合用錢糧竊詳湖北路委是闕乏無以椿辦伏乞特降指揮專一令江西應副外券錢乞從朝廷寬剩支降庶不有悞事機所陳利害並係急切伏望聖慈詳酌依臣所乞前去措畫誓盡犬馬之勞以圖報効謹錄奏聞伏候敕旨

貼黃

臣契勘湖賊先與偽齊結連近探得陝府

長安見今點集人馬東京亦已聚兵今來襄漢諸州並係邊面防秋是時切慮不測前來侵犯作過伏乞添兵屯守及更抽摘

岳忠武王集

卷一

共

軍馬付臣遣發巡邊照管庶免悞事乞速賜措置施行

襄陽差職官奏

紹興四年

清遠軍節度使神武後軍統制充湖北路荆襄潭州制置使臣岳飛狀奏據襄陽府路安撫使司契勘本路州縣係居極邊全藉當職官協力措置數內下項官並係收復之初蒙制置司并本司逐急差權自管當事務以來愛民無擾治職有方實堪倚仗欲望詳酌申奏差補施行今開具下項

一借保義郎襄陽府兵馬監押王昇借迪功郎襄陽府觀察推官李霖借迪功郎襄陽府司理參軍周冲翼忠翊郎襄陽府司法參軍姚禾成忠郎借忠翊郎監襄陽府在城酒稅李文承節郎同監襄陽府在城酒稅程安國全州文學借從政郎襄陽縣知縣李倬進義校尉借承信郎襄陽縣主簿汪介然借迪功郎唐州錄事參軍葛緯

右開具在前謹錄奏聞伏候敕旨

荆襄寬恤畫一奏

紹興四年

岳忠武王集

卷一

七

清遠軍節度使神武後軍統制充湖北路荆襄潭州制置使臣岳飛狀奏臣伏准紹興四年九月十五日明堂赦書內一項勘會襄陽府唐鄧隨郢州信陽軍先因李成侵犯占據殘虜剋剝一方受斃近遣偏師收復六郡差官葺治屯兵防守或恐兵火之餘人未歸業仰都督府制置使司講究措置置務在寬恤招集流亡速令安集限一月條具聞奏今條具到下項

一契勘新復州軍人戶歸業除依已降赦文指揮放免賦稅外如州縣輒敢別有科率及差借夫馬之

類許人戶越訴當職官吏乞賜施行

一契勘人戶歸業之初委是貧乏全闕牛具子種欲乞量借官錢應副收買候將來合納稅日將所借官錢分四料隨稅送納

一契勘新復州軍其稅賦依赦降指揮權放三年所有養贍官兵錢糧無所從出若不給降深恐因循却致擾民伏乞朝廷支降錢米應副收糴并借貸耕牛子種本錢所貴歸業之民得霑實惠

一契勘新復州軍城壁樓櫓並合修葺防城器具並合置造所有合用錢糧伏乞朝廷特賜支降貴得應時辦集軍民兩安不致疎虞

一契勘人戶未歸業以前應欠官私債負不拘是何名色乞並行蠲放如州縣輒敢理索乞重賜施行

一契勘新復州軍全藉官員葺治若不稍加恩數深恐無以勸諭今相度欲乞幾年爲任與轉一官選人比類施行任滿無遺闕更與轉一官選人改合入官應權官權過月日理爲實歷月日

一契勘新收復州軍自合體認朝廷惠養寬恤之意

用心存撫務令安業欲乞令逐一開具元管并後來歸業人戶單甲姓名所住鄉村開墾過田土頃畝帳狀申本司審覆詣實申奏仍乞以召集多寡分數立爲殿最

一契勘所收復州軍久經殘害上下凋弊州縣官如能用心召集流亡勸課農桑懷柔百姓寬恤刑禁從本司保明申奏乞朝廷優異推恩若職事不虔亦乞重賜黜責

右畫一條具在前謹錄奏聞伏候敕旨

岳忠武王集

卷一

九

招楊欽奏

紹興五年

鎮寧崇信軍節度使神武後軍都統制荆湖南北襄陽府路制置使臣岳飛狀奏恭奉聖旨措置荆湖南北路盜賊臣遂先分遣軍馬扼賊要路斷其糧道嚴行禁止博易使賊乏食尋遣軍分頭齎執旗榜諭以禍福說諭招安潰其腹心并欲誘致桀黠以爲鄉導今據武義大夫閣門宣贊舍人黃佐等招安水寨首領楊欽將帶到本寨徒衆老小約一萬餘人大小舟船八百餘隻牛五百餘頭馬四十餘匹並到軍前臣已優加存撫及卽時

支破錢糧養贍并先次將空名武義大夫告書填給付楊欽了當所有以次頭領亦見行取會契勘楊欽係賊之密黨今已服從正宜乘機掩覆巢穴臣一面措置進兵外謹錄奏聞伏候敕旨

李道歸順奏

紹興六年

檢校少保鎮寧崇信軍節度使充湖北襄陽府路招討使兼本路營田使臣岳飛狀奏契勘臣嘗以國難未除虜禍方熾竊有意於恢復之事深籌逆計以爲中原之士性具五常豈無忠義思報國家特以身陷虜僞之郊

岳忠武王集

卷一

二十

未能奮發於是多遣信實之人密行宣布朝廷之德意說諭約結俾其磨濯一心以待王師之舉相爲應援今有虢州欒川知縣修武郎李道將帶五百餘人首倡歸順已到鄧州除已差官前去引接犒勞外謹錄奏聞伏候敕旨

岳忠武王集卷二

奏議

乞出師劄子

紹興七年

起復太尉武勝定國軍節度使湖北京西路宣撫使兼營田大使臣岳飛劄子奏臣伏自國家變故以來起於白屋從陛下於戎伍實懷捐軀報國雪復讎耻之心幸憑社稷威靈前後屢立薄効陛下錄臣微勞擢自布衣曾未十年官至太尉品秩比三公恩數視二府又增重使名宣撫諸路臣一介賤微寵榮超躐有踰涯分今者

岳忠武王集

卷二

又蒙益臣軍馬使濟恢圖臣實何人誤辱神聖之知如此敢不晝度夜思以圖報稱臣竊揣敵情所以立劉豫於河南而付之齊秦之地蓋欲荼毒中原生靈以中國而攻中國粘罕因得休兵養馬觀釁乘隙包藏不淺臣不及此時稟陛下睿算妙略以伐其謀使劉豫父子隔絕五路叛將還歸兩河故地漸復則金賊之詭計日生他時浸益難圖然臣愚欲望陛下假臣日月勿復拘臣淹速使敵莫測臣舉措萬一得便可入則提兵直趨京洛據河陽陝府潼關以號召五路叛將則劉豫必舍汴

都而走河北京畿陝右可以盡復至於京東諸郡陛下
付之韓世忠張俊亦可便下臣然後分兵濬滑經略兩
河劉豫父子斷必成擒如此則大遼有可立之形金賊
有破滅之理四夷可以平定爲陛下社稷長久無窮之
計實在此舉假令汝穎陳蔡堅壁清野商於號略分屯
要害進或無糧可因攻或難於餽運臣須斂兵還保上
流賊定追襲而南臣俟其來當率諸將或挫其銳或待
其疲賊利速戰不得所欲勢必復還臣當設伏邀其歸
路小入則小勝大入則大勝然後徐謀再舉設若賊見

岳忠武王集

卷二

上流進兵併力來侵淮上或分兵攻犯四川臣卽長驅
擣其巢穴賊困於奔命勢窮力殫縱今年未終平殄來
歲必得所欲亦不過二三年間可以盡復故地陛下還
歸舊京或進都襄陽關中唯陛下所擇也臣聞興師十
萬日費千金邦內騷動七十萬家此豈細事然古者命
將出師民不再役糧不再籍蓋慮周而用足也今臣部
曲遠在上流去朝廷數千里平時每有糧食不足之憂
是以去秋臣兵深入陝洛而在寨卒伍有饑餓閃走故
臣急還不遂前功致使戰地陷僞忠義之人旋被屠殺

皆臣之罪今日唯賴陛下戒敕有司廣爲儲備俾臣得
一意靜慮不以兵食亂其方寸則謀定計審仰遵陛下
成算必能濟此大事也異時迎還太上皇帝寧德皇后
梓宮奉邀天眷歸國使宗廟再安萬姓同歡陛下高枕
無北顧憂臣之志願畢矣然後乞身還田里此臣夙昔
所自許者臣不勝拳拳孤忠昧死一言伏惟陛下恕臣
狂易臣無任戰汗取進止

以粹續兩編前
後各見本條

乞以明堂恩補張所男宗本奏

紹興七年

起復太尉武勝定國軍節度使湖北京西路宣撫使兼

岳忠武王集

卷二

三

營田大使臣岳飛狀奏臣竊見張俊例初除太尉陳乞
奏薦男於文資內安排臣技能獲取勳伐無聞遭際聖
明承乏將帥伏念臣昨於建炎初因上書論事罪廢偶
幸逃死實出聖造于時孤子一身狼狽羈旅因詣招撫
使張所所一見與臣言兩河燕雲利害適偶契合臣自
白身借補修武郎閣門宣贊舍人充中軍統領尋又陞
統制其後張所軍次北京蒙朝廷貶責南方卒以節死
臣念靖康以來奮不顧身爲國捍難者不爲無人而其
間誤國敗事者固亦不乏然聖恩寬大終於一切矜貸

若張所實先意兩河而身未北渡已遭橫議今其身名
凋喪後嗣零落使臣不言臣則有負欲望矜憐將臣今
歲奏薦恩例奏補張所男宗本依張俊例於文資內安
排謹錄奏聞伏候敕旨

乞本軍進討劉豫劄子

紹興七年

太尉武勝定國軍節度使湖北京西路宣撫使兼營田
大使臣岳飛劄子奏逆豫連誅尚穴中土陵寢乏祀皇
圖偏安陛下六飛時巡越在海際天下之愚夫愚婦莫
不疾首痛心願得伸鋤奮挺以致死于敵而陛下審重

岳忠武王集

卷二

四

此舉累年于茲雖嘗分命將臣鼎峙江漢僅令自守以
待敵不敢遠攻而求勝是以天下忠憤之氣日以沮喪
中原來蘇之望日以衰息歲月益久汙染漸深趨向一
背不復可以轉移此其利害誠爲易見臣待罪閫外不
能宣國威靈克殄小醜致神州隔於王化僭僞穴於宮
闕死有餘罪敢逃司敗之誅陛下比者寢閣之命聖斷
已堅咸謂恢復之功指日可冀何至今日尚未決策北
向臣願因此時上稟睿算不煩濟師只以本軍進討庶
少塞餽官之咎以成陛下寤寐中興之志順天之道因

民之情以曲直爲壯老以逆順爲強弱萬全之效茲焉
可必惟陛下力斷而行之不勝大願區區愚忠畢罄於
此干冒天威無任戰汗俟謹之至取進止

乞移都奏略

紹興七年

錢塘僻在海隅非用武之地臣請陛下建都上游用漢
光武故事親勒六軍往來督戰庶將士知聖意之所向
人人用命臣當仗國威靈鼓行北向殄滅北虜則中興
之功卽日可冀

家集序云都上游之奏止班師之疏擣
京洛之策出斬黃之請僅詳其二二

乞進屯淮甸劄子

紹興七年

岳忠武王集

卷二

五

太尉武勝定國軍節度使湖北京西路宣撫使兼營田
大使臣岳飛劄子奏臣伏覩陛下移蹕建康將遂恢圖
之計近忽傳淮西軍馬潰叛酈瓊等迫脅軍民而去然
事出倉卒實非士衆本心亦聞半道逃歸人數不少於
國計未有所損不足上軫淵衷臣度今日事勢彼必未
能便有舉動襄陽上流目卽亦無賊馬侵犯唯是淮甸
迫近行在臣願提全軍進屯萬一叛僞窺伺臣當竭力
奮擊期於破滅仍乞別遣軍馬措置襄陽一帶伏乞睿
斷詳酌施行取進止

奏審已條具曲折未准指揮劄子 紹興八年

太尉武勝定國軍節度使湖北京西路宣撫使兼營田
大使臣岳飛劄子奏臣自去冬聞金賊廢劉豫有可乘
之機是以屢貢管見塵瀆天聽三月二十六日領樞密
院劄子奉聖旨令臣條具曲折以聞臣喜而不寐以謂
陛下慨然英斷將欲興王師舉大事以雪積年之耻故
臣輒忘淺陋周述利害仰紊睿明覬或采納今月初七
日臣所差人回未蒙朝廷處分伏望早降指揮俯賜俞
允取進止

岳忠武王集

卷二

六

乞免便宜辟置劄子 紹興八年

太尉武勝定國軍節度使湖北京西路宣撫使兼營田
大使臣岳飛劄子奏臣契勘湖北京西路頃以累經兵
火殘破至甚一時州縣之官往往無人願就遂蒙朝廷
指揮許臣自知通并州縣官得行辟差今來已復河南
故地其兩路並是腹心州縣前弊已除而名器予奪之
權非臣下所當久假所有今後差官欲乞徑自朝廷差
注施行取進止

謝講和赦表 紹興九年

武勝定國軍節度使開府儀同三司湖北京西路宣撫使兼營田大使臣岳飛上表言今月十二日准進奏院遞到赦書一道臣已卽躬率統制統領將佐官屬望闕宣讀訖觀時制變仰聖哲之宏規善勝不爭實帝王之妙算念此艱難之久姑從和好之宜睿澤誕敷輿情胥悅臣飛誠歡誠抃頓首頓首竊以婁欽獻言於漢帝魏絳發策於晉公皆盟墨未乾顧口血猶在俄驅南牧之馬旋興北伐之師葢夷虜不情犬羊無信莫守金石之約難充谿壑之求圖暫安而解倒垂猶之可也願長慮

岳忠武王集

卷二

七

而尊中國豈其然乎恭惟皇帝陛下大德有容神武不殺體乾之健行巽之權務和衆以安民迺講信而修睦已漸還於境土想喜見於威儀臣幸遇明時獲觀盛事身居將閫功無補於涓埃口誦詔書面有慚於軍旅尚作聰明而過慮徒懷猶豫而致疑謂無事而請和者謀恐卑辭而益幣者進臣願定謀於全勝期收地於兩河唾手燕雲終欲復讎而報國誓心天地當令稽顙以稱藩臣無任瞻天望聖激切屏營之至謹奉表稱賀以聞臣誠歡誠抃頓首頓首謹言

乞祇謁陵寢奏 紹興九年

太尉武勝定國軍節度使湖北路宣撫使兼營田
大使臣岳飛狀奏臣伏覩正月十二日降到赦書金人
交割河南州縣內京西河南府係臣所管地分自劉豫
盜據以來祖宗陵寢久失嚴奉臣不勝臣子區區之情
欲乞量帶官兵躬詣灑掃謹錄奏聞伏候敕旨

論虜情奏略 紹興九年

此虜自靖康以來以和款我者十餘年矣不悟其姦受
禍至此今復無事請和此殆必有肘腋之虞未能攻犯
岳忠武王集 卷二 八
邊境又劉豫初廢藩衛空虛故詭爲此耳名以地歸我
然實寄之也臣請量帶輕騎隨二使祇謁陵寢因以往
觀敵釁取進止

審謁陵寢行期劄子 紹興九年

武勝定國軍節度使開府儀同三司湖北路宣撫
使兼營田大使臣岳飛劄子奏契勘今日祇謁陵寢使
同判大宗正事士儂兵部侍郎張燾已到鄂州臣見辦
集行役只候得士儂張燾關報行期便同起發或恐陛
下別有使令願賜一一訓敕謹具奏知伏乞睿照取進

止

乞奏事劄子

紹興九年

武勝定國軍節度使開府儀同三司湖北京西路宣撫使兼營田大使臣岳飛劄子奏臣欲乞赴行在奉稟邊防事宜伏望聖慈特降指揮取進止

乞張所復官劄子

紹興九年

武勝定國軍節度使開府儀同三司湖北京西路宣撫使兼營田大使臣岳飛劄子臣竊見故左通直郎張所先任監察御史除直龍圖閣河北路招撫使因被謫至岳忠武王集

卷二

九

潭州界內爲凶賊劉忠驅虜百端誘脅終不肯從遂至被害累經恩赦本家無人申陳未曾檢舉牽復如張所者拔自疎遠得蒙朝廷識擢當艱危之際奮不顧身有志未就能以節死欲望聖慈矜憫特賜牽復官職以激忠義之風取進止

李興吳琦轉官告乞付軍前給降奏

紹興十年

武勝定國軍節度使開府儀同三司湖北京西路宣撫使兼營田大使河南北諸路招討使臣岳飛狀奏契勘本司近據統領官梁興申差人探報得河南府見被金

賊占據本府有番人七千餘人馬五千餘匹食糧軍三千餘人知府係叛賊僞奉國上將軍武安軍節度使李成并差番人同知其本府管下福昌永寧伊陽三縣番賊不曾前去止有河南府鈐轄李興人兵往來私掠財物及據伊陽縣申亦爲上件李興事理臣已差秉義郎加道武翼郎閣門宣贊舍人本司中軍統領軍馬蘇堅權河南府事令擇一縣寄治府事招收軍馬措置事宜及拘收李興一行前來軍前使喚外伏望聖慈特降睿旨付臣照會施行所有李興吳琦轉官告乞給降付臣岳忠武三集卷二
十
候再立微効日給付施行庶得有以激勸謹錄奏聞伏候敕旨

乞定儲嗣奏略

紹興十年

今欲恢復必先正國本以安人心然後陛下不常厥居以示不忘復讎之意

金陀粹編言王熏衣開齋閣子親書密封焚橐而後奏援古今陳利害雖犯權臣之忌而不顧然人不可見特因記載麤得其梗槩御札報云覽卿親書奏深用歎嘉非忱誠忠讜則言不及此卿識慮精深爲一時智謀之將非他人比

乞乘機進兵劄子

紹興十年

武勝定國軍節度使開府儀同三司湖北路宣撫

使兼營田大使河南北諸路招討使臣岳飛劄子奏臣比得衛州忠義統制趙俊差人賚到申狀自閏六月二十七日起離本州於今月初四日到臣軍前報比遣兵過河會合忠義統制喬握堅等已收復趙州了當又遣本司統制梁興董榮兩軍過河河北州縣往往自亂民心皆願歸朝廷乞遣發大兵前來措置臣契勘金賊近累敗衄其虜酋四太子等皆令老小渡河惟是賊衆尚徘徊於京城南壁一帶近却發八千人過河北此正是陛下中興之機乃金賊必亡之日若不乘勢殄滅恐貽岳忠武王集

卷二

十一

後患伏望速降指揮令諸路之兵火急並進庶幾早見成功取進止

乞劉錡依舊屯順昌奏

紹興十年

武勝定國軍節度使開府儀同三司湖北京西路宣撫使兼營田大使河南北諸路招討使臣岳飛狀奏准樞密院劄子奏勘會已降指揮順昌府分撥兵將嚴爲守備今來順昌府見闕守臣右三省樞密院同奉聖旨令岳飛依已降指揮辟差順昌府守臣日下具名聞奏劄送臣疾速施行臣除已恭依前項聖旨指揮施行外臣

契勘近准樞密院劄子節文奉聖旨順昌府舊屬京西合撥屬本路並要岳飛分撥兵將嚴爲守備劉錡候岳飛差到兵馬將所部起發前去鎮江府聽候指揮使喚本司契勘所管軍馬已分布調發前去陝虢西京陳蔡穎昌汝鄭州一帶并已有差往河東河北措置事宜已兩次申奏乞將劉錡一軍且令於順昌府屯駐庶幾緩急可以照應去訖伏望聖慈特降睿旨依臣已申奏事理施行謹錄奏聞伏候敕旨

乞號令歸一奏

紹興十年

岳忠武王集

卷二

十二

武勝定國軍節度使開府儀同三司湖北京西路宣撫使兼營田大使河南北諸路招討使臣岳飛狀奏勘武功大夫果州團練使知陝州軍州吳琦本司於今年六月十三日差兼京西湖北宣撫使河南北諸路招討使司選鋒軍副統制後來於閏六月二十六日改差兼撞軍統制軍馬令團集忠義人兵與本司差去統制官措置掩殺金賊收復州縣今據吳琦申准川陝宣撫使司劄子恭依聖旨便宜黜陟勘會陝川最係極邊其知州武功大夫果州團練使吳琦見糾集忠義軍兵據險保

聚捍敵金賊理宜增重事權今差兼管內安撫統制忠
義軍馬除已奏聞外仰准此除已祇受外申乞照會臣
契勘川陝宣撫使司差吳琦前項職事委是與本司交
互事不歸一兼號州亦元屬陝西欲望聖慈特降睿旨
將號州依舊撥隸川陝宣撫司其知號州武起并元帶
去軍馬却乞發還本司應副使喚及寄理武功大夫博
州刺史河南府兵馬鈐轄李興本司先次依已得聖旨
便宜指揮差兼本司左軍統制今據李興申准朝廷指
揮差知河南府兼本路安撫使今來措置事宜之間照

岳忠武王集

卷二

十三

應不一切恐有悞指蹤并蔡州汝州近准朝廷撥隸京
西南路欲乞將遂州依舊撥隸河南府路別差帥臣并
蘄黃光州元屬淮西亦乞並撥隸本路庶幾歸一緩急
不致悞事只乞令臣依舊爲朝廷守湖北京西兩路以
備緩急使令謹錄奏聞伏候敕旨

乞止班師詔奏略

紹興十年

契勘金虜重兵盡聚東京屢經敗衄銳氣沮喪內外震
駭聞之謀者虜欲棄其輜重疾走渡河况今豪傑嚮風
士卒用命天時人事強弱已見功及垂成時不再來機

難輕失臣日夜料之熟矣惟陛下圖之

行實編年云疏累千百言御札

報曰得卿十八日奏言班師機會誠爲可惜卿忠義許國言詞激切朕心不忘卿且少駐近便得地利處報楊沂中劉錡同共相度如有機會可乘卽約期並進檜聞之益懼

赴行在劄子

紹興十年

少保武勝定國軍節度使湖北京西路宣撫使兼營田大使河南北諸路招討使臣岳飛劄子奏臣於七月二十七日取順昌府淮南路恭依累降御筆處分前行在奏事伏乞睿照取進止

乞會諸帥兵破敵奏

紹興十一年

岳忠武王集

卷二

古

少保武勝定國軍節度使湖北京西路宣撫使兼營田大使河南北諸路招討使臣岳飛狀奏近據探報虜酋將自壽春等處入寇淮西臣契勘日卽上流未有賊馬侵犯欲乞聖慈令臣提軍前去會合諸帥同共掩擊兵力旣合必成大功伏望速賜指揮施行謹錄奏聞伏候敕旨

乞檢坐張俊等會戰去處奏

紹興十一年

少保武勝定國軍節度使湖北京西路宣撫使河南北諸路招討使臣岳飛狀奏臣今月十一日准御前金字

牌遞到親劄一通臣卽時拜恩跪領訖伏讀聖訓以金賊侵犯淮西已在廬州張俊等併力與敵相拒令臣提兵合擊或來江州或出蘄黃繞出其後臣敢不仰體睿眷殫竭愚陋今日已抵黃州現前去舒蘄州界相度形勢利害看賊意向別行措置不知張俊等會戰在甚日庶幾臣得以照應謹錄奏聞伏候敕旨

乞出京洛奏略

紹興十一年

契勘虜旣舉國來寇巢穴必虛若長驅京洛虜必奔命可以坐制其弊

岳忠武王集

卷二

五

乞出蘄黃奏略

紹興十一年

今虜犯淮西臣若擣虛勢必得利萬一以爲寇方在近未暇遠圖卽乞且親至蘄黃相度形勢利害以議攻却且虜知荆鄂宿師必自九江進援今若出此貴得不拘使敵罔測

乞發回親兵劄子

紹興十一年

少保樞密副使臣岳飛劄子奏臣契勘諸路軍馬已撥屬御前今來臣有將帶到親兵等除量畱當直人從其餘盡數欲乞發遣却歸本處所有鄂州及襄陽府等州

軍有以前發去防隘把截人馬及淮東西軍馬伏望睿
慈早賜措置庶幾使緩急賊馬侵犯有所統攝不致悞
事取進止

乞般家劄子

紹興十一年

少保樞密副使臣岳飛劄子奏臣昨日嘗具奏劄子冒
聖聰欲乞先次般挈男雲一房來行在臣今欲乞盡數
般挈家累來行在居住取進止

岳忠武王集

卷二

共

岳忠武王集卷三

奏議

辭鎮南軍承宣使第三奏

紹興三年

中衛大夫武安軍承宣使神武副軍都統制臣岳飛狀
奏臣今月十五日准樞密院劄子奉聖旨除臣正任承
宣使充江南西路沿江制置使臣已兩具辭免伏蒙聖
慈降詔不允者榮命下頒驚魂頓失辭章上達帝命不
俞雖臣受之不慙恐輿情之未協輒陳懇悞方切憂惶
復蒙天語之丁寧告戒備至愈使臣心之感戴進退靡

岳忠武王集

卷三

安敢事虛辭仰違明詔竊念臣將天威而遠討致賊巢
之一空妙策竒謀悉遵聖訓破堅却敵咸得士心臣實
何能輒膺殊賞旣慙過量復付重權是誠叨冒以踰勲
非謂謙辭而避寵况九江乃控扼之重地連武昌爲襟
帶之要衝用得其人周瑜所以敗曹公於赤壁禦失其
策隋何所以取黥布於滌江難使非才濫膺此寄伏望
吝此嚙喉之付以屬大臣俯從螻蟻之誠使安愚分所
有上件恩命乞賜寢罷干冒天威死有餘罪謹錄奏聞
伏候勅旨

辭男雲特除保義郎閣門祇候奏

紹興三年

鎮南軍承宣使神武副軍都統制江南西路沿江制置使臣岳飛狀奏臣今月十七日准樞密院劄子奉聖旨除臣男雲保義郎閣門祇候者伏念臣寒陋無堪上感聖恩備員軍事未有涓埃之力以報國家况臣男雲俾從戎伍未立寸効豈足仰副異眷實不遑安伏望特賜寢罷以安愚分謹錄奏聞伏候勅旨

乞罷制置使職事奏

紹興四年

鎮南軍承宣使神武後軍統制江南西路舒蘄州兼荆

岳忠武王集

卷三

南鄂岳黃復州漢陽軍德安府制置使臣岳飛狀奏契勘飛昨蒙聖恩除臣江南西路舒蘄州制置使臣不敢辭免伏恐朝廷別有使令實不自安方具陳控繼蒙除臣江南鄂岳黃復州漢陽軍德安府制置使令臣收復襄陽等六郡臣深體國事之急憤激于懷是以承命出征不暇辭請今來並已收復了當竊念臣人微望輕難任斯職欲望特降睿旨委任重臣經畫荆襄令臣罷制置使職事依舊充神武後軍統制庶得少安愚分謹錄奏聞伏候勅旨

乞侍親疾劄子

紹興四年

鎮南軍承宣使神武後軍統制江南西路舒蘄州兼荆
南鄂岳黃復州漢陽軍德安府制置使臣岳飛劄子奏
臣輒具危懇仰瀆睿聰臣愚戇之跡奮身單微初無尺
寸之先容獨賴聖明之特眷雖捐軀致命曾不足以仰
酬恩遇之絲毫思報之心寧有窮已臣近者奉命收復
襄漢去家遠涉六月餘日臣老母姚氏年幾七十侵染
疾病連月未安近復腿脚注痛起止艱難別無兼侍以
奉湯藥人子之心實難安處伏望聖慈察臣悃悞無他
岳忠武王集

卷三

三

規避慙乞許臣在假以全侍奉之養將本軍人馬權暫
令統制官王貴張憲主管候臣老母稍安依舊管幹職
事恭聽驅策結草啣環誓圖報効冒犯雷霆之威臣無
任戰懼激切之至取進止

辭建節劄子

紹興四年

鎮南軍承宣使神武後軍統制江南西路舒蘄州兼荆
南鄂岳黃復州漢陽軍德安府制置使臣岳飛劄子奏
臣伏蒙聖恩除臣清遠軍節度使湖北路荆襄潭州制
置使依前神武後軍統制特封武昌縣開國子食邑五

百戶伏念臣賦資凡下才不逮人旄節之崇實匪序遷之比在於疎逖尤非宜據伏望聖慈追寢誤恩以安微分庶免顛躋之患實出生成之賜取進止

辭建節第二劄子

紹興四年

鎮南軍承宣使神武後軍統制充江南西路舒蘄州兼荆南鄂岳黃復州漢陽軍德安府制置使臣岳飛劄子奏臣契勘先具辭免江南西路舒蘄等州制置使蒙恩降詔不允續准省劄除臣清遠軍節度使湖北路荆襄潭州制置使臣於今月初二日卽具辭免干犯天聰至岳忠武王集

卷三

四

今未蒙施行伏念臣謫薄之資無足比數誤辱聖恩備員軍事雖竭疲駑殊無補報空糜餽餼朝夕靡遑若更貪戀寵榮不惟取誚人言亦於臣之冒濫實所不安伏望睿慈洞察檢會臣前所奏追寢成命早降指揮令臣依舊官資充神武後軍統制庶安愚分未致顛躋終圖報效紊瀆天威臣無任震汗之至取進止

辭建節第三劄子

紹興四年

鎮南軍承宣使神武後軍統制充江南西路舒蘄州兼荆南鄂岳黃復州漢陽軍德安府制置使臣岳飛劄子

奏臣比具辭免清遠軍節度使蒙恩降詔不允之再瀝
肝膽之誠仰瀆天聽乞賜追寢成命今月十五日伏蒙
聖恩再降詔不允臣寒陋無堪才術凡下區區武弁不
當輒具汎辭控免惟是旄節之重實匪所堪事于國政
不容冒受望早賜追還以安愚分取進止

辭建節第四劄子

紹興四年

鎮南軍承宣使神武後軍統制充江南西路舒蘄州兼
荆南鄂岳黃復州漢陽軍德安府制置使臣岳飛劄子
奏臣伏准尚書省劄子以臣辭免清遠軍節度使特降

岳忠武王集

卷三

五

聖旨不允不得再有辭免伏念臣猥以不才幸蒙委使
敢謂涓埃之効遽叨旄節之榮若不屢辭干瀆天聽不
惟叨冒寵榮不皇安處方今戎馬侵擾而誤恩若加於
人深慮名器不重勸賞不實何以厭服公議臣雖三貢
丹誠宸衷未允敢望聖慈察臣之愚實非矯飾所有告
命見在鄂州軍資庫寄納伏乞特賜追還以安愚分取
進止

繳節度告奏

紹興四年

鎮南軍承宣使神武後軍統制充江南西路舒蘄州兼

荆南鄂岳黃復州漢陽軍德安府制置使臣岳飛狀奏
契勘近蒙降到臣清遠軍節度使湖北路荆襄潭州制
置使告一軸臣實有愚悃已累行具奏不敢祇受伏望
聖慈速賜追還以安徽分謹錄奏聞伏候勅旨

劾劉康年僞奏乞恩澤奏

紹興四年

清遠軍節度使神武後軍統制充湖北路荆襄潭州制
置使臣岳飛狀奏臣近讀池州送到朝報內一項係臣
畫一陳乞臣母封國夫人第二項次男雷乞授文資第
三項乞江州廬山東林禪寺住持僧慧海佛禪師事臣

岳忠武王集

卷三

六

伏讀不勝驚駭蓋臣先於鄂州駐劄日遣本軍提舉事
務武功大夫劉康年將收復襄漢等賞功文字前去行
在投進臣以鄂州去行在遙遠恐往復遲緩又臣本軍
軍器闕少戰馬倒死者甚多遂令劉康年齋空名印紙
因便將帶陳乞軍器戰馬等事不謂劉康年將前項印
紙擅行書填陳乞臣之私事竊念臣冗賤凡才誤蒙陛
下擢任兢兢旦夕每虞不稱如臣近者蒙恩以收復襄
漢六州寵加旄節臣凡五具懇辭不敢祇受慮或取謂
公論有玷清朝敢謂康年遽上此請方當國家多事之

際陛下宵衣旰食親御六師經理戎政臣雖至愚極陋豈不知捐身効命少圖補報況復敢以私門猥瑣希求恩寵臣若不披露肝膽力爲辨雪天下其謂臣何伏望陛下察臣悃愾實未嘗敢萌此意乞將上件恩數早賜追寢仍將劉康年妄行書填印紙情罪明正朝典所有臣不合令劉康年將帶空名印紙事理見在本軍待罪伏乞同賜黜責施行謹錄奏聞伏候勅旨

再乞寢罷劉康年僞乞恩澤劄子

紹興四年

清遠軍節度使神武後軍統制充湖北路荆襄潭州制

岳忠武王集

卷三

七

置使臣岳飛劄子奏契勘臣近於正月初一日管具奏聞爲本軍提舉一行事務官武功大夫劉康年妄行書填印紙乞母封國夫人次男雷換文資僧慧海禪師事乞賜追寢仍將劉康年妄行書填印紙情罪明正朝典所有臣不合令劉康年將帶印紙事理臣見在本軍待罪乞同賜黜責施行去後今月十七日准尚書省劄子正月八日三省同奉聖旨岳飛放罪劉康年罷神武後軍提舉一行事務依衝替人例施行係事理重仍追奪收復襄漢等賞飛母封號係是特恩可依已降指揮餘

令改正臣以猥瑣之資曲荷天地廣大之恩終不加罪保全微臣臣雖殞身無以仰報聖德萬分之一重念臣奮跡單微今來濫厠承流於法母已是當封淑人遭際陛下實爲榮幸豈敢踰分過有邀求前三事上感睿照特賜辨明皆已施行獨有臣母國夫人號未蒙改正竊惟國家封爵自有彝制豈可躐等超遷有紊舊章若因劉康年妄有陳請陛下必欲以此封臣之母不惟臣終不遑安亦於公論不以爲允伏望聖慈洞察憐臣懇懇之誠俯從所欲將臣母特封國號事速賜追還以正名

岳忠武王集

卷三

八

分取進止

貼黃

如以爲特恩不可復奪乞將飛旄鉞恩數

追寢回授施行庶幾不致濫受伏乞睿照

辭男雲雷除閣職劄子

紹興四年

清遠軍節度使神武後軍統制充湖北路荆襄潭州制置使臣岳飛劄子奏臣今月十一日准尚書省劄子奉聖旨除臣男雲閣門宣贊舍人雷閣門祇候伏念臣寒陋之資遭際聖明恩紀過厚比者入覲天光薦叨異數顧雖捐軀致命莫報萬分今者寵眷日來又及賤息念

臣何功冒茲優渥成命初頒驚悸失措實惟臣么麼賤
微凌躡已極而父子僥冒公議尤所不容陛下如欲始
終保全願收還誤恩俾安愚分庶幾不犯貪進之戒獲
遣他日之譴取進止

乞宮祠劄子

紹興五年

鎮寧崇信軍節度使神武後軍都統制荆湖南北襄陽
府路制置使臣岳飛劄子奏比具誠懇冒犯天聰以荆
襄三路目今盜賊屏息乞罷制置使職事以安愚分未
蒙俞允竊念臣自收復建康相繼六年正當大暑討捕

岳忠武王集

卷三

九

寇攘雖臣子義當捐軀效命報稱之時固不應復有披
陳然臣自收捕曹成入廣漸染瘴癘後來屢中暑毒每
至夏月疾間發作兩目赤昏飯食不進加之老母別無
兼侍病旣在身母且垂白若臣貪冒寵榮不知進退非
惟臣所不安又以臣所統軍馬不少方陛下恢復故疆
奉迎二聖宜選賢能建圖事功而臣至愚極陋豈可久
濫兵權以妨豪傑之路情至迫切實非緣飾誕妄上欺
天聽欲望聖慈察臣之心本非避事除臣一在外宮觀
差遣如犬馬之年未殞他日尚可以備員邊面以受驅

策伏乞俞允早賜降付施行不勝幸願
任震汗激切之至取進止

乞宮祠第二劄子

紹興五年

鎮寧崇信軍節度使神武後軍都統制荆湖南北襄陽
府路制置使臣岳飛劄子奏臣於六月十八日嘗具奏
劄冒犯天聰惟切震懼朝夕恭俟宸命今月十九日准
尚書省劄子奉聖旨岳飛已平湖湘見措置上流事務
責任繁重所請不允仍不得再有陳請者伏念臣起身
田野勢援孤單荷陛下天地父母之恩曲垂覆育雖臣

岳忠武王集

卷三

十

捐軀効死豈足以圖報萬分之一臣前所請固非忍爲
亦非所願實以臣垂白之親別無兼侍年來多病頗覺
羸瘠又臣先所染瘴緣冒暑毒今亦未瘥雖平居無事
猶恐不能任責況今日上流形勢所繫至重若非智謀
宏遠勇略過人者安能分陛下宵旰之憂仰副委寄如
臣不才冒濫寵榮加以抱疾而不知止終恐有悞使令
上貽陛下憂顧伏望聖慈察臣愚懇不敢飾辭早賜俞
允除臣一在外宮觀差遣苟免顛躓實出生成之賜取

進止

乞宮祠第三劄子

紹興五年

鎮寧崇信軍節度使神武後軍都統制荆湖南北襄陽府路制置使臣岳飛劄子奏先具誠懇冒瀆天聰乞一在外宮觀差遣准尚書省劄子奉聖旨不允仍不得再有陳請者伏念臣起自白丁誤蒙器使仰荷聖慈委曲異眷雖父母之愛其子何以復加顧臣之事陛下豈不願殫竭疲駑以畢此生仰圖報効況今防秋是時詎敢託以他事覲安閑退實緣臣老母垂白多病又臣漸染瘴疾四肢墮廢兩目昏赤而臣職掌兵戎繫國利害莫大於此臣若貪冒榮寵昧於進退不哀鳴控告於君父在臣一身固不足惜重念朝廷付以上流責任不輕恐致顛躓有悞委寄伏望睿照矜其愚悞別無規避特降指揮檢會臣前所陳請早賜俞允不勝幸甚取進止

辭檢校少保第二劄子

紹興五年

鎮寧崇信軍節度使神武後軍都統制荆湖南北襄陽府路蘄黃州制置使臣岳飛劄子奏臣比具辭免檢校少保恩命事今月十五日伏蒙聖恩曲降詔諭未賜俞允臣義有未盡跼躅靡皇輒敢再犴丹誠仰干淵聽伏

念臣本無才術誤膺眷渥未能攘卻夷狄掃除僭竊以副陛下削平禍亂之志彼江湖無知之民蜂屯蟻聚負固成釁仰遵神算以遂底平豈當遽以爲功遂加異秩臣竊觀朝廷闕一臣策勳第賞有所辭免陛下睿慈終闕二其請足以見增崇賞典磨厲天下如臣代匱軍旅固不敢比擬而退避殊私理歸於一伏望睿明俯察孤忠追還成命則感恩益厚在己尤榮上可以振朝廷之紀綱下得以遂區區之懇願情至迫切實非緣飾臣不勝虔祈埃命之至取進止

岳忠武王集

卷三

十一

辭檢校少保第四劄子

紹興五年

鎮寧崇信軍節度使神武後軍都統制荆湖南北襄陽府路蘄黃州制置使臣岳飛劄子奏臣比具辭免除臣檢校少保恩命今月初一日再准尚書省劄子奉聖旨依已降詔旨不允不得再有陳請者伏念臣已三貢辭章出于誠悃冒犯天威罪不容赦聖恩廣大一賜溫詔兩降劄命捫心揣分感極涕零伏念臣草芥固陋備數戎昭曾無尺寸之功仰報天地之德竊以亞保之位實預三孤之貴所以賞有功而進豪傑也如臣何人輒膺

斯寵是以心不自安終難冒受不避譴誅再伸前懇非敢徒爲辭遜伏望聖慈矜察愚衷早還成命庶令臣少安分守臣不勝虔祈俟命之至取進止

辭招討使劄子

紹興五年

鎮寧崇信軍節度使神武後軍都統制荆湖南北襄陽府路蘄黃州制置使臣岳飛劄子奏臣竊以招討之權專制闔外在祖宗朝選寄尤重當此任者類皆元老大臣顧臣何人敢膺茲寵苟貪冒無厭不知分量名實不稱恐玷國體伏望聖慈收還誤恩以重朝廷之名器以岳忠武王集

卷三

十三

遂臣子之私情取進止

辭招討使第三劄子

紹興五年

鎮寧崇信軍節度使神武後軍都統制荆湖南北襄陽府路蘄黃州制置使臣岳飛劄子奏臣比兩具辭免招討使恩命今月十六日准尚書省劄子奉聖旨依已降詔旨不允不得再有陳請者伏念臣才術空疎智識凡下方懇辭檢校少保之恩豈謂復進招討之任薦膺眷渥撫已驚惶切惟闔外之重責任非輕自匪德望服人韜畧邁衆何以仰副陛下遴選委寄之意如臣不才曷

足當此伏望聖慈察臣之衷實欲少安分守早賜追還
成命庶叶師言取進止

辭宣撫副使劄子

紹興六年

檢校少保鎮寧崇信軍節度使湖北襄陽府路招討使
兼本路營田使臣岳飛劄子奏臣五月十八日准御前
金字牌遞到樞密院奏勸會岳飛已降指揮除湖北京
西南路宣撫副使奉聖旨疾速兼程前去鄂州措置軍
事者臣聞命震驚罔知所措臣近叨受招討使不容牢
辭又蒙聖恩授以前件差遣切念臣一介寒賤誤膺器

岳忠武王集

卷三

十四

使顧土宇恢復之迹未見尺寸而厚恩醲賞涯分已踰
且以宣撫之重名實寄專征之大事自非廊廟近臣勳
伐高世者豈當冒躐而居異時付託失人或誤驅策雖
粉臣骨曷足以謝陛下兼招討使權不爲不重若更加
以甚高非常之寵必起負乘斯奪之悔所有宣撫使恩
命實難祇受伏望追寢誤恩庶安愚分臣無任悚懼恭
聽宸命之至取進止

辭母亡格外賻贈及應辦葬事奏

紹興六年

草土臣岳飛狀奏臣准御前金字牌遞到尚書省劄子

二道奉聖旨岳飛母身亡已降指揮起復於格外特賜銀絹一千匹兩令戶部支給所有葬事令鄂州協力措置施行臣上荷聖恩惟知感泣契勘臣今般挈家屬扶護母喪已至江州瑞昌縣擇定江州界營葬臣以月俸之餘粗足辦集所有上件恩數并格外賻贈伏望聖慈併賜寢罷庶安愚分謹錄奏聞伏候勅旨

辭格外賻贈銀絹劄子

紹興六年

草土臣岳飛劄子奏比蒙聖恩以臣母身亡特賜銀絹一千匹兩卽具懇免今月初一日准御前金字牌遞到

岳忠武王集

卷三

五

尚書省劄子奉聖旨不允伏念臣遭遇聖眷過於山岳感激之心惟極涕泗今已安葬了當種種辦集皆自陛下恩被之所及所有前項銀絹實難重疊祇拜伏望特賜寢罷取進止

乞終制劄子

紹興六年

草土臣岳飛劄子奏臣今月十二日至江州瑞昌縣界准樞密院奏勘會岳飛丁母憂已擇日降制起復緣目今人馬無人主管及見措置進兵渡江不可等待奉聖旨先次行下岳飛特起復仍日下主管軍馬措置邊事

不得辭免伏念臣孤賤之迹幼失所怙鞠育訓導皆自
臣母國家平燕雲之初臣方束髮從事軍旅誓期盡瘁
不知有家自從陛下渡河以來而臣母淪陷河朔凡遣
人一十八次始能般挈得脫虜禍驚悸致疾遂以纏綿
臣以身服戎事未嘗一日獲侍親側躬致湯藥之奉今
者遭此大難荼毒哀苦每加追念輒欲無生而陛下恩
眷有加卽命起復在臣么微固深銜戴然臣重念爲人
之子生不能致菽水之歡死不能終衰經之制面顏有
覩天地弗容且以孝移忠事有本末若內不克盡事親
之道外豈復有愛主之忠臣已般挈扶護前來欲於江
州或南康軍界營葬伏望聖慈矜憐餘生許終服制取
進止

乞終制第二劄子

紹興六年

草土臣岳飛劄子奏准樞密院劄子勘會臣母魏國太
夫人姚氏身故已降指揮起復仍日下主管軍馬職事
不得辭免仍具已供職月日間奏臣契勘除已具辭免
奏聞外伏望聖慈檢會所奏特許臣終制取進止

乞終制第三劄子

紹興六年

草土臣岳飛劄子奏近於四月十二日具奏辭免起復
檢校少保武勝定國軍節度使湖北京西路宣撫副使
今月初一日准御前金字牌遞到尚書省劄子奉聖旨
不允令學士院降詔仍不得再有陳請依已降指揮日
下主管軍馬措置調發不管少失機會者伏念臣叨荷
聖恩實倍倫等惟期盡忠庶圖報稱緣臣老母淪亡憂
苦號泣兩目遂昏方寸亦多健忘自揆餘生豈復尚堪
器使非敢獨孝于親而於陛下不竭其忠正謂災屯如
此不能任事況臣一介右列若學術稍優謀畧可取亦
當勉強措置調發臣於二者俱乏所長今旣眼目昏眊
又不能身先士卒賈作銳氣苟不罄瀝血誠披告陛下
則他日必致顛躓上辜委寄伏望睿慈俯察孤衷許臣
終制取進止

目疾乞解軍務劄子

紹興六年

起復檢校少保武勝定國軍節度使湖北京西路宣撫
副使兼營田使臣岳飛狀奏臣先爲目疾昏痛不能視
物在假服藥醫治累奏乞致仕將宣撫司事務權令參
謀官薛弼參議官李若虛管幹已申奏朝廷聽候指揮

去訖未蒙回降指揮十月十五日夜據參謀官薛弼傳
到御前劄子一封付岳飛係金字牌降到內係黃紙臣
遂折開認是宸翰臣卽時遙拜跪領不覺感激涕淚臣
平日切切思報陛下之心惟冀當此大敵少展區區適
以病目轉覺昏暗臣私心不勝痛憤又於十六日據薛
弼申累准金字牌降到御封樞密院劄子催促全軍人
馬前去江池州稱已勾抽襄陽等處軍馬前來猶恐遲
緩已整齮在寨軍馬止候免請錢糧俵散衣賜了當先
次起發臣比在假每日連併服藥全未見效伏望睿慈
岳忠武王集

卷三

六

檢會臣累奏事理速賜施行庶幾不悞國事取進止



